

10. *Cicerbita zeravschanica* M. Pop. sp. n. — Perennis. Rhizoma abbreviatum, radicibus numerosis, caulem floriferum et surculos steriles emittens. Caulis ascendens fistulosus, sulcatus, inferne glaber vel sparse pubescens, superne ut rami et pedunculi glanduloso-hispidus, 30—60 *cm* altus. Folia viridia, tenera, supra glabra, subtus secus nervos sparse pubescentia, radicalia et surculorum sterilia runcinata, segmento terminali magno triangulari-ovato acuto basi subtruncato vel reniformi, lateralibus multo minoribus subbiparibus triangularibus acutis, petiolata, petiolo longo exalato; caulina sessilia subamplexicaulia, inferiora radicalibus similia, media late-lanceolata, subintegra; omnia margine cartilagineo-dentata. Inflorescentia corymboso-paniculata. Capitula anguste-cylindrica. Involucrum 7—8 *mm* longum, 2—3 *mm* latum. Involucri phylla glabra vel sparse glanduloso-pubescentia, exteriora linearia interioribus lineari-lanceolatis  $2\frac{1}{2}$ —3-plo breviora. Ligulae luteae, involucri duplo longiores. Achenia fusiformia, 5 *mm* longa, fusca plus minus nigro-violaceo-maculata, costulis pluribus tenuibus, superne hispidiusculis apice in collum brevissimum abeuntia. Pappus duplex albus seriei exterioris setulis brevissimis, interioris eis 5—6 *mm* longis constans, facile deciduus.

A *C. rosea* (M. Pop. et Vved.) H. Krasch. ligulis luteis bene differt.

Habitat in regione media montium Pamiralaj (Asia Media).

Typus: Кухистан. Басс. р. Фон. Каракуль, северная известняковая стена. 1940.VIII.20 fr. Попов и Сергеева. (Herb. Univ. As.—Med.).

---